

ք. Երևան

24 Սեպտեմբերի 2019թ.

«Ջեգա» սահմանափակ պատասխանատվությամբ ընկերությունը, ի դեմս տնօրեն Ն. Աֆյանի, ով գործում է ընկերության կանոնադրության հիման վրա, այսուհետ՝ Մատակարար, մի կողմից և «Արթիկի բժշկական կենտրոն» փակ բաժնետիրական ընկերություն, ի դեմս տնօրեն՝ Բ. Մարտիրոսյանի, ով գործում է ընկերության կանոնադրության հիման վրա, այսուհետ՝ Գնորդ, մյուս կողմից, միաժամանակյա հիշատակման դեմքում՝ Կողմեր, կնքեցին սույնպայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1. Մատակարարը պարտավորվում է սույն պայմանագրով սահմանված կարգով և ժամկետներում Գնորդին մատակարարել ապրանքներ, այսուհետ՝ ապրանք, իսկ Գնորդը, պարտավորվում է սույն պայմանագրին համապատասխան մատակարարված ապրանքներն ընդունել և կատարել ընդունումն ապահովող բոլոր անհրաժեշտ գործողությունները:
- 1.2. Ապրանքի տեսականին, քանակը որոշվում է կողմերի համաձայնությամբ՝ Գնորդի կողմից ըստ փուլերի ներկայացված բանավոր կամ գրավոր պատվերի որոնց հիման վրա կազմվում են համապատասխան հավելվածներ համարվելով սույնպայմանագրի անբաժանելի մասը:

2. ՄԱՏԱԿԱՐԱՐՄԱՆ ԿԱՐԳԸ ԵՎ ՊԱՅՄԱՆՆԵՐԸ

- 2.1 Ապրանքի մատակարարումը կատարվում է կողմերի միջև հերթական հաստատված հավելվածում նշված ժամկետում:
- 2.2 Մատակարարի պարտավորություններն ավարտվում են ըստ պատվերի խմբաքանակը Գնորդի կողմից ընդունելու պահից:
- 2.3 Մատակարարի կողմից ապրանքը Գնորդին սահմանված կարգով պատվերին համապատասխան հանձնելուց հետո Մատակարարի պարտավորություններն ու պարտականությունները Գնորդի նկատմամբ ավարտվում (զադարում) են: Այդ պահից Գնորդի և նրորդ անձանց նկատմամբ Մատակարարը որևէ պարտավորություն չի կրում:
- 2.4 Ապրանքների տեղափոխումը Մատակարարի պահեստից կատարվում է Գնորդի միջոցներով և հաշվին:

3. ՄԱՏԱԿԱՐԱՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

- 3.1 Մատակարարը պարտավոր է՝
 - 3.1.1 Սույն պայմանագրով սահմանված կարգով և ժամկետներում ապահովել ապրանքների մատակարարումը՝ պահպանելով ըստ պատվերի Գնորդի ներկայացրած տեսականին, քանակը:
 - 3.1.2 Պատվերը ստանալուց առաջ ողջամիտ ժամկետում Գնորդին տեղեկացնել մատակարարման պայմանների փոփոխման, մատակարարվող ապրանքների գների փոփոխության մասին:
 - 3.1.3 Մատակարարման որևէ փուլում ապրանքների թերի մատակարարման դեպքում հաջորդ փուլում՝ սույն պայմանագրի գործողության ժամկետի սահմաններում լրացնել թերի մատակարարված քանակը:

3.1.4 Եթե Գնորդը սույն պայմանագրով սահմանված կարգով, ըստ պատվերի տվյալ փուլի ապրանքն ընդունելուց 3-օրյա ժամկետում առարկություն չի ներկայացնում ապրանքի որակի նկատմամբ, ապա ըստ տվյալ պատվերի Մատակարարի պարտավորությունը համարվում է ավարտված:

3.1. Մատակարարն իրավունք ունի՝

3.1.1. Պահանջել վճարելու մատակարարված ապրանքի դիմաց՝ սույն պայմանագրով և հերթական հավելվածով սահմանված կարգով և ժամկետներում:

3.1.2. Գնորդի կողմից առանց սույն պայմանագրով նախատեսված հիմքերի ապրանքը չընդունելու դեպքում՝

3.1.3. պահանջել Գնորդից ընդունել այն և հատուցել չընդունման հետևանքով պատճառած վնասն ամբողջությամբ:

3.1.4. դադարեցնել իր պայմանագրային պարտավորությունների կատարումը:

3.1.5. լուծել պայմանագիրը վաղաժամկետ և Գնորդից պահանջել պատճառված վնասների հատուցում:

4. Գ Ն Ո Ր Դ Ի Ի Ր Ա Վ Ո Ւ Ն Զ Ն Ե Ր Ն Ո Ւ Պ Ա Ր Տ Ա Կ Ա Ն Ո Ւ Թ Յ Ո Ւ Ն Ն Ե Ր Ո

4.1. Գնորդը նրորդ անձանց հետ հարաբերություններում գործում է բացառապես իր անունից:

4.2. Գնորդը իրավունք չունի նրորդ անձանց հետ հարաբերություններում գործել Մատակարարի անունից:

4.3. Երրորդ անձանց հետ Գնորդի հարաբերությունների համար Մատակարարը պատասխանատվություն չի կրում:

4.4. Գնորդը պարտավոր է՝

4.4.1. Պատվերը տալիս նշել ապրանքի տեսականին, քանակը:

4.4.2. Պատվերը ստանալուց սույն պայմանագրով և հերթական հավելվածով սահմանված կարգով և ժամկետում վճարել դրա արժեքը ներկայացված հաշիվ-ապրանքագրի հիման վրա:

4.4.3. Ապրանքը ստանալուց, դրա արժեքը սահմանված ժամկետում չվճարելու դեպքում Մատակարարի պահանջով, վերջինիս վճարել տույժ, ապրանքի արժեքի 0,5% չափով յուրաքանչյուր ուշացված օրվա համար:

4.4.4. Ապրանքը չվճարելի Մատակարարի մոտ գործող բաց թողման գներից ցածր:

4.4.5. Մինչև Մատակարարին նորպատվեր տալը, վճարել մատակարարված ապրանքի նախորդ խմբաքանակի ընդհանուր գումարն ամբողջությամբ:

4.5. Գնորդն իրավունք ունի՝

4.5.1. Պահանջել Մատակարարից լրացնել թերի մատակարարված տեսականին, վերացնել պատվերի պահանջների անհամապատասխանությունը սույն պայմանագրի գործողության ժամկետի սահմաններում:

4.5.2. Պահանջել Մատակարարի կողմից իր պարտավորությունների չկատարմամբ կամ ոչ պատշաճ կատարմամբ իրեն պատճառված վնասների հատուցում:

4.5.3. Մատակարարի կողմից պատվերում նշված ապրանքի քանակի և տեսականու պայմանները լսախտելու դեպքում Գնորդն իրավունք ունի հրաժարվել դրանք ընդունելուց:

5. ԱՊՐԱՆՔԻ ԳԻՆԸ, ՎՃԱՐՄԱՆ ԿԱՐԳԸ

- 5.1. Ապրանքի գները սահմանվում են Մատակարարի կողմից հաստատված և մատակարարման պահին գործող փաստացի գներին համապատասխան:
- 5.2. Գնորդի կողմից վճարումը կատարվում է պատվերի հիման վրա հերթական հավելվածում նշված վճարման ժամկետում, տեսականուն քանակի հաշվարկով, Մատակարարի կողմից դուրս գրված հարկային հաշվի հիման վրա:
- 5.3. Գնորդն իրեն մատակարարված Ապրանքի դիմաց վճարումը կատարում է անկանխիկ՝ դրամական միջոցները Մատակարարի բանկային հաշվին փոխանցելու միջոցով: Գումարի փոխանցման հետ կապված բոլոր ծախսերը կատարվում են Գնորդի հաշվին:

6. ԱՊՐԱՆՔԻ ՈՐԱԿՐ ԵՎ ԿՈՄՊԼԵԿՏԱՅՆՈՒԹՅՈՒՆԸ

- 6.1. Ապրանքի որակը, քանակը, կոմպլեկտայնությունը պետք է համապատասխանեն Գնորդի կողմից ներկայացված նախնական պատվերին:
- 6.2. Մատակարարվող ապրանքի որակը և կոմպլեկտայնությունը պետք է համապատասխանի դրանց արտադրության վերաբերյալ գոյություն ունեցող տեխնիկական, կոնստրուկտորական փաստաթղթերին: Սույն պայմանագրով մատակարարվող ապրանքը պետք է լինի նոր և նախկինում չօգտագործված:

7. ՖՈՐՄ-ՄԱԺՈՐ

- 7.1. Սույն պայմանագրով Կողմերը մասամբ կամ ամբողջությամբ իրենց պարտականությունները չկատարելու համար ազատվում են պատասխանատվությունից, եթե չկատարումը հանդիսանում է անհաղթահարելի ուժի (երկրաշարժ, ջրհեղեղ, հրդեհ, պետական արգելք արտահանման և ներմուծման նկատմամբ և այլն) հետևանք, որոնք ծագել են պայմանագիրը կնքելուց հետո, և որը Կողմերը չէին կարող կանխատեսել կամ կանխել:
- 7.2. Կողմը, որը հիմնվում է նմանատիպ իրավիճակի վրա, պարտավոր է եռօրյա ժամկետում մյուս կողմին գրավոր տեղեկացնել նմանատիպ իրավիճակի կանխատեսման մասին և նրա հասցեին ուղարկել այդ փաստը հաստատող հավաստի փաստաթուղթ՝ տրված Առևտրա-արդյունաբերական պալատի կողմից:
- 7.3. Անհաղթահարելի ուժի հանգամանքների ի հայտ գալու դեպքում Կողմերի պարտավորությունների կատարման ժամկետները հետաձգվում են այդ հանգամանքների և դրանց հետևանքների գործողության ժամանակին համաչափորեն:
- 7.4. Եթե անհաղթահարելի ուժի գործողությունը շարունակվում է ավելի քան վեց ամիս, Կողմերն իրավունք ունեն լուծել սույն Պայմանագրով պարտավորությունների հետագա կատարման հնարավորության կամ դրա լուծման հարցը, ինչի մասին Կողմերը կազմում են առանձին լրացուցիչ համաձայնագիր:

8. ՊԱՏԱՍԽԱՆԱՏՎՈՒԹՅՈՒՆԸ

8.1. Սույն պայմանագրի պայմանների չկատարման, կամ ոչ պատշաճ կատարման դեպքում մեղավոր կողմը հատուցում է մյուս կողմին պատճառած վնասները ամբողջությամբ և լրիվ ծավալով՝ ՀՀ գործող օրենսդրության համաձայն:

8.2. Պայմանագրի կատարման ընթացքում ծագած վեճերն ու տարաձայնությունները լուծվում են բանակցությունների միջոցով փոխհամաձայնությամբ: Համաձայնության չգալու դեպքում վեճը լուծվում է օրենսդրությամբ սահմանված կարգով:

9. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՎ ԱՅԼ ՊԱՅՄԱՆՆԵՐ

9.1. Սույն պայմանագիրն ուժի մեջ է մտնում Կողմերի ստորագրելու պահից և գործում է մինչև 2019թ-ի դեկտեմբերի 30-ը ներառյալ: Սույն պայմանագրի ժամկետը կարող է երկարաձգվել Կողմերի փոխադարձ համաձայնությամբ:

9.2. Սույն պայմանագրի վերաբերյալ ցանկացած փոփոխություն և լրացում իրավական ուժ ունի, եթե այն կատարված է գրավոր ձևով և ստորագրված է Կողմերի լիազոր ներկայացուցիչների կողմից:

9.3. Մատակարարն իրավունք ունի ցանկացած պահի միակողմանի կերպով լուծել պայմանագիրը, եթե Գնորդի կողմից չի կատարվում սույն պայմանագրով ստանձնած ցանկացած պարտավորություն:

9.4. Պայմանագիրը լուծելուց հետո սույն պայմանագրով Կողմերի ստանձնած պարտավորությունները շարունակում են գործել և պահպանում են իրենց ուժը, քանի դեռ Կողմերը գրավոր փաստաթուղթ չեն կազմվել՝ միմյանց նկատմամբ պարտք ու պահանջ չունենալու մասին:

9.5. Սույն պայմանագիրը կազմված է հայերեն լեզվով, երկու հավասարազոր օրինակներից, որոնցից մեկական օրինակ գտնվում է Կողմերից յուրաքանչյուրի մոտ:

9.6. Կողմերը ընդունում են սույն պայմանագրին առնչվող բոլոր փաստաթղթերի իրավական և գույքային նշանակությունը՝ անգամ, եթե դրանք փոխանցված են եղել հեռապատճենի կամ այլ միջոցներով և հաստատված բնօրինակ ստորագրությամբ ու բնօրինակ կնիքով:

10. ԿՈՂՄԵՐԻ ՀԱՍՑԵՆԵՐԸ ԵՎ ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ

10.1. ՄԱՏԱԿԱՐԱՐ

«ԶԵԳԱ» ՍՊԸ


ք. Երևան, Գրիբոյեդով 17

ՀՎՀՀ 03540526

«Ամերիա բանկ» ՓԲԸ

Հ/Հ՝ 1570027272540100

Տնօրեն՝ Հ. Աֆյալ



10.2. ԳՆՈՐԴ

«Արթիկի բժշկական կենտրոն» ՓԲԸ

թ. Արթիկ, Բաղրամյան փ., 2/8

ՀՎՀՀ 06107489

«ԱՇԲ» Արթիկի մ/ճ

Հ/Հ՝ 2470466369430010

Տնօրեն՝ Բ. Սարգսյան



ՀԱՎԵԼՎԱԾ թիվ 1

“ 24 ” Սեպտեմբերի 2019թ.

ք. Երևան

Սույն հավելվածը հանդիսանում է Երևան քաղաքում «Ջեգա»ՍՊԸ-ի և «Արթիկի բժշկական կենտրոն»ՓԲԸ -ի միջև 24.09.2019թ-ին կնքված թիվ № 019/19 մատակարարման պայմանագրի անբաժանելի մասը.

Համաձայն մատակարարման պայմանագրի Մատակարարը մատակարարում է ներքոհիշյալ ապրանքները, իսկ Գնորդը պարտավորվում է ընդունել դրանք ամբողջ ծավալով և դրանց դիմաց վճարել նախքան ապրանքի մատակարարումը:

Ապրանքիանվանումը	Չափման միավորը	Քանակը	Գինը	Արժեքը
Գազի ծավալի էլ.ճշտիչ Elcor-MU	հատ	1	321000	321000
Ընդամենը				321000

Ապրանքների մատակարարումը կատարվում է սույն հավելվածի ստորագրման օրը:

Սույն հավելվածը կազմված է երկու հավասարազոր օրինակից՝ յուրաքանչյուր կողմին մեկ օրինակ:

ՄԱՏԱԿԱՐԱՐ

«ՋԵԳԱ»ՍՊԸ


ք. Երևան, Գրիբոյեդով 17

ՀՎՀՀ 03540526

“Ամերիա բանկ” ՓԲԸ

Հ/Հ՝ 1570021272540100

Տնօրեն Հ. Աֆանյան



ԳՆՈՐԴ

«Արթիկի բժշկական կենտրոն»ՓԲԸ

Ք. Արթիկ, Բաղրամյան փ., 2/8

ՀՎՀՀ 06107489

«ԱՇԲ»Արթիկի մ/ճ

Հ/Հ՝ 2470400339430010

Տնօրեն Բ. Մարտիրոսյան

